

30-12-2019

**KANTON SARAJEVO****URED ZA BORBU PROTIV KORUPCIJE I UPRAVLJANJE KVALITETOM**

ulica Reisa Džemaludina Čauševića br. 1 71 000 Sarajevo

ID broj 4200990200002

koga zastupa šef Ureda, Erduan Kafedžić, *(u daljem tekstu: Kupac)*

i

**NETWORK I d.o.o. Bijeljina**

Potporučnika Smajića 26, Bijeljina

ID 4402199430004

koga zastupa direktor Mile Tomić *(u daljem tekstu: Prodavac)*

zaključili su

**UGOVOR O KUPOPRODAJI RAČUNARA I RAČUNARSKE OPREME****Član 1.****(Predmet ugovora)**

Predmet Ugovora je nabavka i isporuka računara i računarske opreme prema uslovima ponude broj: 02/03-11/19 od 02.12.2019. godine, zaprimljene pod brojem: 20-14-42429 od 03.12.2019. godine i konačne ponude nakon okončane E-aukcije od 06.12.2019 godine.

**Član 2.****(Obim isporuke)**

Obim isporuka iskazan u tački 1. ovog Ugovora, obuhvata:

- isporuku opreme u pripremljenim prostorijama Kupca,
- instaliranje opreme i puštanje u rad,
- održavanje u garantnom roku.

**Član 3.****(Vrijednost ugovora)**

(1) Ukupna cijena za isporuke i radove po ovom Ugovoru iznosi:

<b>Ukupna cijena bez PDV-a</b>	<b>10.284,00 KM</b>
<b>PDV 17 %</b>	<b>1,748,28 KM</b>
<b>Ukupna cijena sa PDV-om</b>	<b>12,032,28 KM</b>
<b>Slovima: (dvanaesthiljadatridesetdvije i 28/100 KM).</b>	

(2) Cijena po ovom Ugovoru podrazumijeva paritet fco Sarajevo, isporučeno na sjedište Kupca (ul. Reisa Džemaludina Čauševića 1), ocarinjeno, bez poreza na promet.

**Član 4.****(Način plaćanja)**

Plaćanje za uredno isporučenu robu će se izvršiti u roku od **30 dana od dana isporuke robe i izdavanja fakture.**

**Član 5.****(Rok isporuke)**

Rok za isporuku opreme iz tačke 1. ovog Ugovora je odmah po potpisivanju Ugovora, a **najkasnije do 31.12.2019. godine.**

**Član 6.**  
**(Primopredaja)**

- (1) Primopredaja opreme vrši se potpisom otpremnice a ista se potpisuje nakon kvalitativnog i kvantitativnog prijema opreme, koju će izvršiti Ured za borbu protiv korupcije i upravljanje kvalitetom Kantona Sarajevo.
- (2) Ukoliko se pregledom utvrdi da kvalitet i kvantitet ponuđene opreme ne odgovara traženom i ponudom utvrđenom kvalitetu (brend name oprema ) i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

**Član 7.**  
**(Garancija)**

- (1) Za ugovorenu opreme iz tačke 1. ovog Ugovora Prodavac daje garanciju na kvalitet i funkcionalnost u trajanju od minimalno:  
**36 (tridesetšest) mjeseci od dana isporuke za desktop računare i notebook računare**  
**24 (dvadesetčetiri) mjeseca za štampač i skener**
- (2) Garancija za računarsku opremu obuhvata sve kvarove nastale usljed grešaka u projektovanju, proizvodnji i materijalu.
- (3) Garancija podrazumijeva obavezu davaoca garancije (proizvođača) da bez naknade otkloni sve nedostatke i/ili neispravnosti koje su nastale na opremi za vrijeme trajanja garancije, a koje se mogu smatrati greškom proizvođača. Garancija obuhvaća popravku ili otklanjanje utvrđenih nedostataka i/ili neispravnosti, ili zamjenu neispravnih dijelova.
- (4) Sve neispravne komponente ili dijelovi računarske opreme ostaju vlasništvo ovlaštenog servisa.
- (5) Garancija se ne priznaje u slučaju kada je do kvara na opremi došlo usljed:
  1. nepravilne, nestručne upotrebe opreme,
  2. neadekvatnih uslova za rada opreme,
  3. više sile i
  4. drugih nepredviđenih događaja.
- (6) Kupac gubi pravo na garanciju ako u toku garantnog perioda, bez pristanka ovlaštenog servisa, sam ili putem trećih lica vrši popravke na predmetu Ugovora.

**Član 8.**  
**(Obaveze Kupca/Prodavca)**

- (1) Kupac i Prodavac se obavezuje da u roku od 24h od potpisa Ugovora obavijeste Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.
- (2) Prodavac se obavezuje da će po isteku garantnog roka obezbijediti Kupcu nabavku rezervnih dijelova u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju opreme.

**Član 9.**  
**(Način rješavanja sporova)**

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

## Član 10.

### (Stupanje na snagu ugovora)

- (1) Ugovor se dostavlja na potpis izabranom ponuđaču u skladu sa članom 72. stav (1) ili članom 98. stav (5) Zakona o javnim nabavkama ("Službeni glasnik BiH" broj:39/14).
- (2) **Ponuđač je dužan prihvatiti i potpisati ugovor u roku od 3 dana od dana prijema istog**, u suprotnom će se smatrati da ponuđač odustaje od ugovora.

## Član 11.

### (Završne odredbe)

- (1) Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.
- (2) Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.
- (3) Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

**KUPAC**  
**KANTON SARAJEVO**  
**Ured za borbu protiv korupcije i**  
**upravljanje kvalitetom Kantona**  
**Sarajevo**

**PRODAVAC**  
**NETWORK I d.o.o.**

**ŠEF UREDA**

**Erliuan Kafedžić**

**Direktor**

**Mile Tomić**

Broj: 20-14-41454-13

Datum: 17.12.2019. godine

Broj: 27.12.2019

Datum: 23.12.2019